



Bentiaraq Ottosen
Atassut

UKA 2024/125
12. november 2024

Pisortat namminersortullu suliffeqarfiini atorfinerlaat 30-it inorlugit ukiullit tamarmik kiisalu atorfinerlaat killilimmik pisinnaasallit tamarmik qaammatini arfinilinni siullerni atorfegarnerminnut atatillugu siunnersorteqartinneqalissappata/ikorfartorteqartinneqalissappata tamatuma iluaqutissartai ajoqutissartaalu allaaseralugit Naalakkersuisut nassuaasioqqullugit peqquneqarnissaanik Inatsisartut aalajangiiffigisassaattut siunnersuut. Taamatut aaqqissuussisoqarpat tamatuma pisortanut namminersorlutillu inuussutissarsiuteqartunut qanoq akeqarsinnaaneranik naatsorsuinernik nassuaat imaqassaaq.

(Inatsisartunut ilaasortaq Anna Wangenheim, Demokraatit)

Siunnersuuteqartumut qujalluta Atassummiit isummersorfigilaassavarput. Ilumoorluinnarpoq nunatsinni sullarluppallaartugut. Tamanna nassuerutigisariaqarpaput. Nunami innuttaasut naalagaaffinngornissamut sinnattuaqisut ilinniakkatigut atorfegarnikkullu kinguaattooqqavugut. Naak ilinniakkat tungaatigut angusagut pitsangoriartuaaruallartut isertuuttariaqanngilarput suli appasippallaarmat.

Kommunit ilaanni angusat qiviaannarlugit meeqqat atuarfiani naammassisut 50% sinnilaaginnarmatigit naammaginanngilluinnarpoq. Angusaqassagutta immitsinnut meeqqatsinnullu piumasaqarnerusinnaasariaqarpugut. Tusaannarlugumi tupigusuutigineqarsinnaagaluarpoq inersimasut 30-liisimanngitsut sulinermut ilinniartinneqassappata ikorfartorneqarlutillu. Ajoraluuartumimmi tassunga killissimassagutta tunuinnarnagagit neqeroorfigineqarsinnaasariaqarpaput.

Paatsoorsimanngikkumami siunnersuuteqartup siunertarivaa sulilerlaat tamavimmik ikorfartorteqartariaqarnissaat. Tamanna Atassummiit pisariaqarsorinngilarput, "qitornagummi kissumiaannalersimassagutsigit" iperaanermik piumasaqarnermik akisussaaffeqarnermillu meeqqagut ilinniartinnerusariaqarsimassavagut, immaqaluunniit politikkikkut suna tamaat aaqqitassatut eqqarsartariaaseqarsimalerneq killormut saatinniarsaralugu.

Taamaattorli killilimmik pisinnaasallit atorfineqqaarnerminni ikorfartorteqarsinnaanissaat paasilluarparput tapersorsorlugulu. Taanna pillugu ataatsimiititaliamut siunnersuut innersuukkumavarput.